

Broj: UP1-06-13-1-92-5/24
Mostar, 29.4.2024. godine

Na osnovu člana 19. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 18. Pravilnika za izdavanje dozvola („Službene novine Federacije BiH“ broj 2/17, 39/20, 82/21 i 1/23), člana 8. stav (1) Pravilnika o regulatornim naknadama („Službene novine Federacije BiH“ broj 94/23), postupajući po zahtjevu za obnovu dozvole za obavljanje djelatnosti snabdijevanja i trgovine električnom energijom broj UP1-06-13-1-92-1/24 od 07.03.2024. godine, podnosioca zahtjeva GET-TZE d.o.o., Knešpolje b.b., Knešpolje, Široki Brijeg, zastupanog po zakonskom zastupniku Franji Hercegu, Regulatorna komisija za energiju u Federaciji Bosne i Hercegovine – FERK je XI redovnoj sjednici održanoj 29.4.2024. godine donijela sljedeće

RJEŠENJE

1. Izdaje se Dozvola za obavljanje djelatnosti snabdijevanja i trgovine električnom energijom podnosiocu zahtjeva GET-TZE d.o.o..
2. Dozvola se izdaje na period od 15.7.2024. godine do 14.7.2029. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tačaka 1. i 2. ovog rješenja.
4. Imalac dozvole je obavezan platiti regulatornu naknadu za period važenja ove dozvole u 2024. godini u iznosu od 14.883,40 KM.
5. Imalac dozvole regulatornu naknadu iz tačke 4. ovog rješenja obavezan je platiti do 31.08.2024. godine.
6. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.
7. Ovo rješenje je konačno i objavljuje se na službenoj internet stranici FERK-a.

O b r a z l o ž e n j e

Dana 07.03.2024. godine FERK je od podnosioca GET-TZE d.o.o. pod brojem UP1-06-13-1-92-1/24 primio zahtjevu za obnovu dozvole za obavljanje djelatnosti snabdijevanja i trgovine električnom energijom, a dopune zahtjeva 15.03.2024. godine pod brojem UP1-06-13-1-92-2/24 i 29.03.2024. godine pod brojem UP1-06-13-1-92-3/24..

Prilikom pregleda potpunosti podnesenog zahtjeva, FERK je utvrdio da je podneseni zahtjev potpun u smislu člana 12., člana 20. i člana 24. Pravilnika za izdavanje dozvola i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari FERK je, u skladu sa članom 16. Pravilnika za izdavanje dozvola, pripremio Nacrt dozvole za obavljanje djelatnosti snabdijevanja i trgovine električnom energijom po zahtjevu broj UP1-06-13-1-92-1/24 od 07.03.2024. godine podnosioca GET-TZE d.o.o.. Na osnovu člana 19. stav (3) i stav (4) Zakona o električnoj energiji

Federacije Bosne i Hercegovine, FERK je Odlukom broj UP1-06-13-1-92-4/24 od 09.04.2024. godine usvojio Nacrt dozvole za obavljanje djelatnosti snabdijevanja i trgovine električnom energijom, i Obavještenje za javnost o opštoj raspravi o Nacrtu dozvole za obavljanje djelatnosti snabdijevanja i trgovine električnom energijom, kojim je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, i utvrđeno je da su zainteresovana pravna i fizička lica imala mogućnost dostaviti svoje pisane komentare na Nacrt dozvole za obavljanje djelatnosti snabdijevanja i trgovine električnom energijom na adresu FERK-a ili na elektronsku adresu, u periodu od 09.04. do 17.04.2024. godine do 12:00 sati.

Do ostavljenog roka za dostavu pisanih komentara, odnosno do 17.04.2024. godine do 12:00 sati, u FERK nisu primljeni pisani komentari na Nacrt dozvole za obavljanje djelatnosti snabdijevanja i trgovine električnom energijom.

Dalje, članom 4., članom 5. i članom 7. Pravilnika o regulatornim naknadama propisana je dinamika i način obračuna regulatorne naknade kod elektroenergetskih djelatnosti i utvrđivanje regulatornih naknada za imaoce dozvola za obavljanje elektroenergetskih djelatnosti. Članom 8. stav (1) istog pravilnika propisano je da će se prilikom izdavanja/obnove dozvole imaocima dozvola za obavljanje elektroenergetskih djelatnosti i imaocima dozvola iz člana 6. tog pravilnika, iznos regulatorne naknade utvrditi/preračunati izdavanjem pojedinačnog rješenja u skladu sa članom 5., članom 6. i članom 7. tog Pravilnika. O obavezi plaćanja regulatorne naknade imaoocu dozvole se dostavlja posebno obavještenje.

Na osnovu obrade zahtjeva za obnovu dozvole za obavljanje djelatnosti snabdijevanja i trgovine električnom energijom podnosioca GET-TZE d.o.o. i dokumentacije priložene uz zahtjev, utvrđeno je da podnosilac zahtjeva ispunjava kriterije iz člana 18. Zakona o električnoj energiji Federacije Bosne i Hercegovine, odnosno člana 25. Pravilnika za izdavanje dozvola. Na osnovu navedenog, u dozvoli koja je predmet ovog rješenja podnosiocu zahtjeva postavljeni su, u skladu sa članom 26. i članom 30. Pravilnika za izdavanje dozvola određeni uslovi. Navedeni uslovi uvažavaju potrebu, ali i obavezu GET-TZE d.o.o. da u rokovima propisanim u uslovima dozvole za obavljanje djelatnosti snabdijevanja i trgovine električnom energijom iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSJEDAVALJUĆEG FERK-a
Jasmin Bešo, s.r.